



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 4. Rex vocat Catholicos ad Colloquium.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

Sæculum V.
A. C. 483. raptarent per loca aspera, & saxa rigentia; ita vestimenta primum, & deinde membra lacerabantur. Huic caput contritum, alteri perfossum latus, multis spiritus elisus, quos, ut potuere, secus viam publicam sepelierunt. Cœteri in Desertum, ut destinatum erat, perducti; ibi ipsis hordeum in cibum datum, equorum in illa Regione pabulum; sed & istud postea subtractum. Terram ibi plurimi scorpiones, aliaque animalia virulenta infestabant; at nemini ex Dei famulis illis mortem intulerunt.

§. IV.

Rex vocat Catholicos ad Colloquium.

n. 13. In Festo Ascensionis anno 483. præsentem Regino, Imperatoris Zenonis Legato, Hunericus Episcopo Eugenio Mandatum misit, quod in Ecclesia recitaretur. Idem etiam per cursores in universam Africam missum. In eo Rex loquebatur in hunc modum: *Hunericus Rex Vandalorum, & Alanorum, omnibus Episcopis HOMOUSIANIS. Sæpe vobis præceptum, in Vandalorum Regionibus Conventus non agere, ne Animas Christianas seduceretis. Jam vero exploratum habemus, in nostris Partibus Missas fuisse celebratas in Mandatorum istorum contemptum, dicunt enim, se velle Fidei Christianæ integritatem*

tem conservare. Itaque, cum in Provin-
ciis, quas subjecit nobis DEUS, nullum
scandalum tolerare velimus, consentienti-
bus sanctis nostris Episcopis præcepimus,
ut omnes proximis Kalendis Febr. Car-
thaginem veniant, de Fide cum Episcopis
nostris disputaturi. Hic HOMOUSIA-
NORUM Fidem, quam tenetis, ex Scri-
pturis demonstrate. Datum 13. Kal. Jun.
anno Regni Hunerici septimo. Id est 20.
Maji anno 483. Perculit præsentis Epis-
copos hæc Lectio, nec aliter obstupere,
ac si ad Persecutionem signum tuba da-
tum fuisset; illa præsertim verba terre-
bant: Cum in Provinciis nullum scanda-
lum tolerare velimus. Ac si diceret: Ne-
minem patiemur esse Catholicum. Post-
quam deliberassent, non aliud occurrit
remedium, quam ut tradito Libello sup-
plici, quem Eugenius concinnavit, Bar-
bari pectus emollire conarentur.

Hujus Libelli Summa fuit; cum hic
ageretur de causa communi, etiam Epis-
copos ultramarinos esse vocandos. Rex
respondit: Totum terrarum Orbem meo
Imperio subicite, & faciam, quod petitis.
Eugenius reposuit: A nemine impossibile
petendum. Dixi; Regem, si Fidem no-
stram perspectam habere velit, posse Lega-
tos mittere ad Amicos suos, Principes
Catholicos. Scribam ego Confratribus
meis, ut veniant, & nobiscum Fidem no-
stram

Sæculum V.

A. C. 483.

n. 14.

Sæculum V. *stram Communem tibi demonstrent;*
 A.C 483. *præcipue veniant ab Ecclesia Romana,*
quæ omnium Ecclesiarum Caput est. ()*

16. Hæc dicebat Eugenius, non quod nesciret, nullatenus viros doctissimos deesse Africae, qui ab Adversariis objecta refutarent, sed cupiens, ut vocarentur Episcopi, qui, quia Vandalis non subditi, majori libertate essent locuturi, & universae terræ, quibus artibus opprimerentur Catholici, testatum facere possent. Hunericus spretis Eugenii precibus, occasiones captabat, ut Episcopos, qui cæteris doctiores ferebantur, persequeretur. Donatianum Episcopum secundo in exilium misit, prius fustibus, & quidem centum quinquaginta verberibus, cæsum. Presidium quoque Suffetulanum proscripsit. Mansuetum, Germanum, Fusculum, & plures alios verberibus affici iussit. Interim prohibuit lege, ne quis suorum cum Catholicis cibum sumeret. Catholici idipsum vetitum esse lætabantur.

§. V.

S. Eugenii Miracula.

17. Carthagine degebat homo cæcus, cui nomen Felix, in urbe notissimus.
 Huic

(*) Hoc Testimonio nihil illustrius, nihil ad convincendos Protestantes aptius! est enim omni Exceptione majus.